




Omagi per Gion Balzer Casanova a Laax

La Filharmonia da chombra dal Grischun ed Arnold Spescha han undrà il cumponist giubilar.

4



Trais concerts en onur da Benedetg Dolf

En memoria dal 100avel anniversari dal cumponist Benedetg Dolf han gi lieu trais concerts.

11

südostschweiz

LA QUOTIDIANA

Redacziun: Via Sommerau 32, 7007 Cuirra, tel. 081 255 57 10, redacziun@laquotidiana.ch

Activitads per Rumantschs da Landquart fin Buchs e Glaruna

■ (anr/vi) Il nov president Rinaldo Caduff ed ils dus novs suprastants da l'Uniun rumantscha Rezia Bassa dattan gas. Passa tschient commembers dumbra l'uniun – oravant tut Sursilvans. Uss vulan ins organisar dapli inscunters e cunzunt carmalar Ladins, Surmirans e Sutsilvans en l'uniun. Fin avant dus onns sa numnava l'uniun «Romantschs da Sargans e contuorn». Cun il num «Rezia Bassa» less ins pledentar Rumantschs d'in pli grond intschess, per exempel da Glaruna u da Buchs. Era per Rumantschs da Landquart pudessi esser at-

tractiv da sa participar. Gist il chor da l'uniun fa sias emprovas mensilas a Bogn Ragaz e cumenza suenter la pausa da stad puspè ils 10 da settember a las 19.30 cun exercizis en la scola Kleinfeld. Tant chantadurs per il chor sco era commembers per l'uniun en adina bainvegnids – n'emporta betg da tge idiom. La proxima occurrenza che l'uniun organisescha è ina spasegiada sin la via da chastognas a Murg. Era Rumantschs che n'èn betg commembers pon s'annunziar.

> PAGINA 2



Roland Scandella e Marie de Val sun il duo Me+Marie.

FOTO TIBO

Me+Marie preschaintan lur nov disc cumpact

■ (anr/afi) Cul nov album «Double Purpose» preschaintan Me+Marie üna tscherna da novas chanzuns. Il cling dal nov disc cumpact (dc) es ün masdügl da differents stils da musica chi'd es autentic a la musica ch'els preschaintan pro lur concerts. Il duo svizzer talian ha sunà d'ürant ils ultims duos ons pro passa 100 concerts, festivals e clubs ed han profità dal bonus dals newcomers.

«S'inclegia cha culla publicaziun da nos seguond album saran las aspettativas pro nos public plü grondas», disch Roland Scandella. El e Marie de Val sun gnüts nominats sco «SRF3 Best Talent» dal mais avuost. Sün lur seguonda turnea rivaran Me+Marie eir in Svizra. E scha tuot funcziuna sa pudaraja tils tadlar eir a Scuol.

> PAGINA 9

BALLAPEI

L'emprena runda ei dada

■ (anr/hh) La fin d'jamna passada ha il campinadi da ballapei regional 2018/19 entschiet. Las pli biaras equipas sursilvanas han dau lur empren giug. En 3. ligia ein ils dus favorits per la victoria ella gruppa 1 – Schluein Glion e Domat – fruntai in sin l'auter. Cun 3:1 ha l'equipa dalla Foppa victorisau ed aschia mussau sias ambiziuns pil campina-

di niev. Egl empren giug suenter il retuorn en 3. ligia ha Lumnezia spiars a casa encunter Netstal. Il disavantatg da 0:2 dall'emprena mesadad han ils Lumnezians buca saviu curreger cumpleinamein suenter pausa. Ella gruppa 1 dalla 4. ligia ha Trun/Rabius festivaun in'emprena clara victoria.

> PAGINA 5

Marveglius sco ils siat nanins

Ier ha la scola el Grischun puspei entschiet

DA SUSI ROTHMUND / ANR

■ Empau «curios» el venter ha ei oravontut fatg ier als pressapauc 1800 affons ch'han entschiet l'emprena classa. Plein marveglias e spanegiai da puspei s'entupar culs cumpogns eran denton franc quasi tut ils rodund 18000 scolars che frequentan la scola el Grischun. La notg dalla dumengia sin gliendisdis ha Qianna perfin semiau dalla scola e ch'ella fettschi pensums da casa. Per la buobetta da siat onns ei il di dad ier staus entzategi tut special ed ella ha fatg in grond pass, numnadamein dalla scoletta ella scola. Qianna, Jan, Pia, Dario, Madleina, Valentina e Valérie ein ils scolars dall'emprena classa da Rabius che s'auda tiel Consorzi da scola Sumvitg-Trun. L'Agentura da novitads rumantscha ha astgau accompignar ils siat «nanins» e lur scolastas Esther Hendry-Decurtins, Nadia Monn-Degonda ed Iris Nwachukwu-Casanova tras igl empren avonmiezdi da scola. Onn per onn sespleiga l'entschatta dalla scola a mo-



Jan, Pia, Qianna, Dario, Madleina, Valentina e Valérie (da sen.) han astgau entscheiver ier l'emprena classa a Rabius.

FOTO S. ROTHMUND

da semeglionta. Igl avonmiezdi entscheiva culla messa da scola e suenter van tuts en lur stanzas da scola nua ch'ils scolasts e las scolastas beneventan els. Ils pigns vegnan accompignai dils geni-

turs, quels pli gronds van pli bugen persuls ed adina eis ei semplamein mo bi da veser l'agitaziun ed il plascher dils pignets che van ell'emprena classa. Ils siat noviz dall'emprena classa

da Rabius ein denton buca stai persuls en stanza, els partan quella e las scolastas culs affons dalla secunda classa.

> PAGINA 3

Las bumbas blauas

■ (anr/sr) Ils izuns ein buca mo blaus e buns, mobein era fetg sanadeivels. Quei di la naturopata Katrin Mirocha da Sedrun. Ella numna quels perfin «ina miracla blaua», declara ch'els s'audien gia tiels «Super-Foods» ed era tgei effect ch'els han. Ella senza rimna mintg'onn izuns e sechenta ina part per haver reservas

duront igl unviern. Quels drova ella lu per exempel tier diarrea ni inflamaziuns dalla mucosa en bucca. Cul boom d'izuns vegnan adina dapli izuns cultivai, mo tenor Mirocha cuntengnan ils izuns selvadis – las bumbas blauas – in bionton dapli vitaminas.

> PAGINA 4



Izuns s'audan tiels «Super-Foods» e gidan per exempel tier malsognas diarreticas, mo gia igl encurir izuns fa bein a tgiert ed olma. FOTO S. ROTHMUND



Urs Nauli, Serafin Wieland, Hans Luzi Stucki, Urs Brazerol ed Elmar Fallet (da san) tutgan tar ils novs campions grischuns.

FOTO G. N. STGIER

Campinadi grischun plain tensiun

■ (anr/gns) Intgins dis suenter ch'il Campinadi grischun arma 50 meters ha gi lieu è uss er il Campiundi chantunal da 300 meters e pistola gia istorgia. Cun paucas excepziuns è quel darar stà uschè interessant e da gronda tensiun. Gist sis novs campions grischuns han ils tiradurs e las tiraduras dapi sonda.

Dubel campion grischun è daventà Elmar Fallet, da preschent in dals megliers tiradurs da pistola da la Svizra. El vegn er ad esser en duas emnas il grond favorit tar ils Campinadis svizzers a Berna nua ch'el vul defender il titel gudagnà avant in onn.

> PAGINA 6



20034



9 771424 749004

Servetsch d'abunents e da distribuziun: tel. 0844 226 226 mail: abo@somedia.ch